



الأحد 9 سبتمبر 2012 12:09 م

د/ أشرف نجم*

رغبًا عني وحين قرأت خبر اجتماع الرئيس "محمد مرسي" بأبنائه الطلاب في الجامعات المصرية بكل اتجاهاتهم، وما لف الاجتماع من روح الأبوة والمودة، فاستمع إليهم واستمعوا إليه، وصارحهم وصارحوه، ووجههم ونصحوه

رغبًا عني حين قرأت هذا الخبر قفزت إلى ذهني تجربة مريرة كنت شاهداً عليها منذ بدايتها وحتى نهايتها، وكم ضحكت من الألم كلما تذكرتها أو تذاكرتها مع من حولي، لن أحكيها لكم، بل سأدع بطلها المهندس أحمد الريدي- رئيس اتحاد طلاب جامعة القاهرة على أيامي- يحكيها لكم، فسأقتبس بعضاً مما كتبه تحت عنوان "ذكريات أيام الشقاوة" قال:

"الموقف ده بقى حدوتة تتعمل فيلم كان فيه اتفاق على مظاهرة تتعمل في جامعة القاهرة تضم وفوداً من جامعات ثانية بتنادي بالمطالب المعتادة للحركة الطلابية في الوقت ده، وكانت بعد انتخابات غير رسمية لاتحاد طلاب الجمهورية (اللي مالوش وجود رسمي) وانتخبنا "أيمن علي" (الآن هو عضو لجنة الدستور ومستشار الرئيس لشئون المغتربين) رئيساً لاتحاد الجمهورية

تقابلنا ليلة المظاهرة للترتيبات وحضر اللقاء /عصام سلطان كضيف لطرح أفكار بناءً على خبرته في العمل الطلابي وكعاداته في إحداث الفرقعات الإعلامية وغير الإعلامية أدلى بدلوه وكان الدلو مختلفاً المرة دي اقترح أن يذهب وفد إلى قصر العروبة أثناء ذروة المظاهرة لطلب لقاء رئيس الجمهورية ممثلاً لطلاب مصر المتظاهرين في جامعة القاهرة، وقال: حاجة من اتنين يا إما هيقابلكم يا إما هيقولوا لكم ياللا امشي أنت وهو من هنا فتقعدوا على الرصيف قدام بوابة القصر وتصوروا وتنزل الصورة ثاني يوم في "الوفد" وتحتها (مبارك يرفض لقاء طلاب مصر).

الفكرة بدت "نقيسة" فتحمسنا لها، وتم الاتفاق أن يضم الوفد: أيمن علي رئيساً بصفته الجديدة والعبد لله ممثلاً لاتحاد طلاب جامعة القاهرة اللي شغالة فيها الأحداث وأمين اتحاد طب المنوفية (أو طنطا مش فاكرك) ممثلاً لطلابها على أساس ما نكونش كلنا من القاهرة والصديق المهندس أحمد بكوش ليقوم بأعمال التصوير على الرصيف وملحقاته

تم الحشد المطلوب من القاهرة وخارجها وطافت المظاهرة على كل الكليات في الحرم الجامعي، و"بكوش" كان بيسخّن بالكاميرا بتاعتي بتصوير لقطات للمظاهرة ولعريبات الأمن المركزي المحتشدة برة الجامعة، وعند وقت معين انطلقنا بعريبة وورانا واحد في عريبة ثانية عشان لو حصل لنا حاجة يرجع يقول للناس

وكان الاتفاق إن ما يتقش الإعلان عن التحرك ده إلا بعد وقت كافٍ لوصولنا هناك عشان ما حدش يعترضنا في الطريق طبعًا ماكناش قايلين لأهالينا، مراتي كانت طالبة في تجارة وقتها وكانت حامل وما كانتش بتحضر ما تفهمش إيه اللي وذاها المظاهرة يومها، بعد مرور الوقت المتفق عليه تم الإعلان من مبنى القبة: توجّه وفد من اتحادات الطلاب بمطابكم للقاء رئيس الجمهورية فلما أن يقابلهم الرئيس أو يطلقوا عليهم النار والله أكبر والله الحمد)، قالوا الأسماء ومراتي كان هيغمى عليها وطبعًا مافيش وسيلة اتصال

ركنًا العربية في الجهة المقابلة للبوابة الرئيسية للقصر واتفقنا مع الأخ الناضوري إن لو المغرب أدّن من غير ما نظهر يرجع يقول للناس إننا معتقلون، وصلنا للبوابة وبكوش مجهز الكاميرا عشان نتصوّر ونمشي فدار الحوار التالي:

إحنا: سلامو عليكمو

أمين الشرطة في كشك الحراسة: سلام ورحمة الله عليكمو؟

إحنا: كنا عايزين نقابل الرئيس من فضلك

أمين الشرطة(مشدوهاً): نعم؟

إحنا: الرئيس كذا عايزين نقابله

أمين الشرطة: ومين حضراتكم؟

إحنا: وفد من اتحادات الطلاب

أمين الشرطة: طيب ثانية واحدة

دخل غاب شوية كذا وكوش بيجهز الكاميرا كذا وبعدين رجع

أمين الشرطة: إحنا بلّغناه وهو بيستعد عشان يقابلكم

قلت في نفسي: يعني بيلبس الروب؟

وقفنا على جنب نستعرض الاحتمالات وكوش مُحَيِّط واضح إن اللي هيحصل حاجة تالطة غير الاحتمالين اللي قالهم عصام سلطان كذا شوية ولقينا مخبر بالبدة الصيفي بيجري ناحيتنا من برة القصر وأول ما وصل دار الحوار التالي:

المخبر (في اللاسلكي): أيوة يا فندم أنا وصلت على البوابة وفيه فعلاً 4 هنا

صوت من اللاسلكي (بحدة): هاتهم وتعالى لي فوراً

المخبر: اتفضلوا معايا

وإحنا ماشيين معاه لحد شارع العروبة أيمن قَرَب مني وقال بالإنجليزي: إحنا معتقلين بس هنكفل كذا أول ما وصلنا شارع العروبة سلّمنا المخبر أبو بدلة صيفي لضابط بلاسلكي ودار الحوار التالي:

الضابط: إنتو مين؟

أيمن: وفد اتحاد طلاب الجمهورية

الضابط: مين فيكم من جامعة القاهرة؟

العبد لله: أنا

الضابط (بعد ما سدّد لي نظرة ذات معنى): طب اتفضلوا معايا

عدّينا الشارع ودخلنا من بوابة على الطرف الثاني من شارع العروبة وأول ما دخلنا جم 4 عساكر رافعين الرشاشات وحاطونا كذا الضابط دخل المكتب وسابنا بره كذا شوية وطلع واحد بورقة وقلم عشان ياخذ أسامينا الرباعية

بكوش (وهو ماسك الكاميرا): أنا مش في الاتحاد

الراجل: مش مهم

خد الأسماء ودخل كذا شوية وجه واحد بعربية فولكس فاجن بيتلز بيضاء (ودي كانت مشهورة وقتها لضباط أمن الدولة) بص علينا ودخل كذا شوية وطلع واحد تاني ياخذ الأسماء الرباعية برضه بس بكوش ماعلّقش المرة دي كذا جه واحد تالت من برة بص علينا ودخل نفس المكان

شوية ونادونا كذا دخلنا المكان اللي كلهم كانوا فيه كذا واستقبلنا قائد حرس أمن الرئاسة بكل أدب، وهو اللي أدار الحوار والباقيين كانوا عامةً بيتفَرّجوا كذا قبل ما نتكلم خدوا أسامينا تالت كذا قال إن فيه نظام للي عايز يقابل الرئيس وما ينفّّش اللي عملناه كذا قلنا إحنا مبعوثين من الطلبة المتظاهرين في جامعة القاهرة ومعانا مطالبهم من غير ما نخرج عن حدود اللياقة والقانون كذا قال: اكتبوا مطالبكم كذا أيمن كتبها كذا قال: وقّعوها كذا وقّعنا إحنا التلاتة كذا قال: والرابع؟.. بكوش قال: أنا مش في الاتحاد كذا قال له: مش مهم مادام جيت معاهم توقّع كذا وإيه الكاميرا اللي معاك دي؟.. الكاميرا كان فيها الصور اللي سَخّن بيها بكوش وأنا كنت قاعد جنبه فأخذتها وقلت للراجل: دي الكاميرا بتاعتي فلو عايز حضرتك الفيلم آهوه كذا وفتحت الكاميرا فاتحرق الفيلم كذا قال: لأ هات الكاميرا زي ما هي كذا فاذّيتها له (برضه قلة التكنولوجيا بتنفع يعني لو كانت كاميرا ديجيتال ما كنتش هالحق أمسح الصور).. المهم قعدنا شوية نتكلم في حاجات مالهش لازمة بس تعاملهم المهذب والحذر الواضح منهم إذّانا ثقة وشجعنا إننا نركب الحوار كذا شوية ودار الحديث التالي:

أيمن: يعني هنقابل الرئيس ولا لأ؟

قائد الحرس: أنا اديت الورقة بتاعتكم لسكرتارية الرئيس والموضوع عندهم

أيمن: يعني نرجع نقول للناس الرئيس رفض يقابلنا؟

قائد الحرس (بتوتر): أنا قلت كدة؟ أنا بقول الموضوع مش عندي

أيمن: والرء هيبجي إمتى؟

قائد الحرس: دي حاجة خارجة عن حدود علمي

واحد من الضباط الحاضرين: الرئيس أصلاً مسافر

العبد لله: لأ الرئيس رجع وده منشور في الجرايد

سكooooooooooooوت

قائد الحرس: طيب لو مثلاً مثلاً (مرتين) الرئيس بعث لكم الدكتور/ مصطفى الفقي (وكان وقتها سكرتير الرئيس للمعلومات) عشان يقابلكم ماشي؟

أيمن (بثبات): الناس بعثونا عشان نقابل الرئيس فلو مش هيقابلنا هنرجع نقول لهم مريضيش يقابلنا بدأ الوقت يمر والمغرب أذن والأخ اللي بره هيقول للناس إننا معتقلون في حين إننا "راكبين ومدلدين رجلينا".. قلنا لهم عايزين نصلي المغرب؟ بعد الصلاة قائد الحرس عرض إننا نمشي ونيجي الأسبوع اللي بعده نتابع الطلب فقلنا له: طب شوية كدة هنتشاور ونقول لك؟ طبعا الأمر كان محسوم": لأن معظم الناس اللي في الجامعة كانوا رّوحوا؟ فاتشاورنا ووافقنا؟

إحنا: طب هنمشي بقي؟

قائد الحرس: لا تمشوا إزاي؟ إنتو معاكم عربية؟

إحنا: آه

قائد الحرس: فيه عربية من عندنا هتوصلكم لحد عربيتكم

العبد لله: مالوش لزوم؟ لو عايزين نمرتها أديهاكم

الضابط اللي قابلنا في الشارع: آه صحيح؟ اكتب لنا نمرتها

قائد الحرس: لازم هنوصلكم

جت عربية يبجو بيضا وقفت قدام الباب وكل اللي كانوا في الأوضة سلّموا علينا بحرارة كأن همّ انزاح من على أكتافهم وركب الضابط قدام وإحنا ورا؟ رغم إن المسافة قصيرة إلا إنه كان محتاج يلف لفة طويلة شوية لحد ما يوصل للعربية، كان العسكري اللي بيسوق أرعن في السواعة بالطريقة اللي العساكر متعودين يسوقوا بيها فالضابط قال له: لأ على مهلك لحسن يحصل لهم حاجة يقولوا إحنا اللي موّتناهم؟ ولا تسأل عن الابتسامة التي غلّت وجوهنا؟ وطبعاً كان أسعد الناس ليلتها عصام سلطان؟

وطبعاً؟ لم يقابلوا الرئيس لا في الأسبوع التالي؟ ولا في أي وقت؟ حتى اليوم؟

بعد أن ابتسمتم؟ ردّدوا معي: "الحمد لله الذي أخرجنا من ظلمات الظلم إلى نور الإنصاف"

anigm@yahoo.com *